

7

7

HARVARD COLLEGE LIBRARY
FROM THE
HARVARD-YENCHING
INSTITUTE

5

AUG 30 1929
~~Ch L 9299.114~~

~~Ch L 9301.114~~

T9299/114

才圖合

地理七卷

長門國

長門國

長門國

長門國

長門國

才圖合

才圖合

才圖合

才圖合

才圖合

才圖合

才圖合

才圖合

才圖合

三才圖會

哈佛大學
哈佛燕京
圖書館
珍藏印

地理七卷

雲間元翰父王圻纂集

曾孫爾賓重較

吳門圖

姑蘇臺圖

虎丘圖

天池圖

玄墓圖

天平山圖

支硎山圖

穹窿山圖

洞庭山圖

馬鞍山圖

虞山圖

太湖圖

吳淞江圖

雲間九峯圖

三泖圖

嘉樹林圖

惠山圖

張公洞圖

善卷洞圖

玉女潭圖

蛟山圖

南岳寺圖

京口三山圖

齊雲巖圖

黃山圖


疊嶂樓圖

敬亭山圖

齊山圖

九華山圖

采石圖



吳門控三江五湖之勝號東南奧區越絕書吳大城闔閭
所築周迴四十七里陸門八象天八風水門八法地八卦
有穹窿玄墓虎丘靈巖洞庭諸勝西北九里後避唐諱改
虎爲武靈巖在城西二十四里吳王之別苑在焉有館娃
宮琴臺響屨廊西施洞山頂有池下瞰太湖望洞庭西山
滴翠叢碧如在白銀世界中洞庭卽包山在吳縣西南中
有林屋洞吳王使威靈丈人入洞十七日不能盡因得禹
書又曰林屋洞十大洞天之一也俱爲宇內絕景

姑蘓臺圖



姑蘇臺一名胥臺在姑蘇山越絕書曰闔閭起姑蘇臺聚
村三年乃成高見三百里傳云麋鹿遊於姑胥卽此劉駕
詩曰勾踐飲膽日吳王酒滿杯笙歌入海雲聲自姑蘇來
李白詩云姑蘇臺上烏樞時吳王宮裏醉西施蓋爲之也

虎丘山寺圖



虎丘去州治僅數里中多小溪曲磴夾其間如抱月然其
最幽麗者莫善和靖祠噓青攢白外與天接其上有浮圖
叱漢杪下瞰姑蘓可一掌轉浮圖而南世傳生公講堂悟
石軒在焉軒側有劍池側立數千尺兩崖壁峭如剖水清
寒泚泚鳴下有鉅石環敞磅礴可羅胡床十數座千人中
有白蓮池白蓮挺挺華若丹碧又稍下小石路迤邐其間
泉益奇石益怪俄斗折突起松篁豁然則和靖讀書處也
吳王闔廬葬所中多金鳧玉鴈銅駝水精碧海丹砂諸物
嘗有白虎盤據其巔故名晉司徒王珣及弟珉俱宅於此

天池山圖



按圖經山距吳縣西六十里由絕嶺而上山半有池逾數
 十丈因名天池晉太康中常產千葉蓮華又名華山山上
 有石鼓石屋又有龜巢石秀屏虎跑泉蒼玉洞宋紹興中
 張漢卿嘗居此號就隱山

天台山圖



吳之山惟玄墓最僻而亦最奇面湖而險隩丹崖翠閣望
 之如屏又名鄧尉法華障其前銅坑青支迤邐其左游龍
 界其右岡連嶺屬詭狀異觀相傳郁泰玄堊此故以名山
 又萬峯和尚修乘其下故亦名萬峯其陽有萬峯塔院山
 多美箭蒼蔚崖巘間級石而上得浩公房湖閣閣下多高
 松風起則谷嘯水涌聲聞數十里其尤奇則在絕頂一登
 則洞庭諸山悉浮湖面山之麓有奇石甚詭麗綠溪至虎
 山橋橋亦在亂山中而六水繞出其下波聯震澤映帶不


已

雷震山圖




靈巖山即古硯石山在吳縣西二十里亦名石鼓山闔廬
 養越美人於此上有兩湖續圖經云硯石山頂有三池一
 曰月池一曰硯池一曰翫華池雖旱不竭蓋吳時所鑿也
 山上舊有響屨廊其下有石室俗傳吳王囚范蠡之地又
 有嶮村其山出石可以為硯蓋硯石之名由此也吳郡志
 云登山見太湖諸山在銀濤中亦宇內絕景館娃宮西施
 洞響屨廊香水溪吳王井皆其跡也

天台山圖



天平山續圖經云在吳縣西二十里巍然特高群峯拱揖
蘓之鎮山也吳郡志云此山在吳中最為崑崙高聳端正
特立山皆奇石山半有白雲泉亦為吳中第一山頂正平
有望湖臺下有白雲寺宋叅政范魏公奏請賜名及公之
先隴在焉姑蘇志云在支硎南五里最多奇石古蹟有遠
公菴頭陀巖龍門大小石屋卓筆飛來諸峯望湖照湖諸
石

支硎山圖



支硎山吳地記云在吳縣西十五里晉支遁道林嘗隱此
山蘓志云平石爲硎山有平石又因支遁故以支硎號焉
山有石室溫泉及放鶴亭馬跡石皆道林盤桓處南有石
門尤奇特東趾爲觀音禪寺續圖經所謂中峯南峯皆其
山之別峯也

支硎山圖




穹窿山續圖經云在吳縣西六十里越絕書云古赤松子採赤石脂處也吳地記云穹窿山東西二嶺相趨名曰銅嶺此山特高峻比陽山尤高其頂方廣可百畝半山有泉名法雨下注石堰可以灌田東下有盤石高廣丈許世傳朱買臣讀書臺穹窿寺在焉北有紫藤塢百丈泉海雲庵西有白馬寺海雲庵姚少師隱處

桐庭山圖



洞庭山在府城西一百三十里峙太湖中一名包山亦名
 林屋山周廻一百三十三里重岡複嶺茂林平野閭巷井
 舍不異市邑又有上方下方右公龍頭金繹渡渚諸山縹
 緲峯其林屋洞毛公壇桃花塢諸跡尤為奇勝漢書云下
 有洞穴潛行水底無所不通號為地脉道書以為第九洞
 天

馬鞍山圖




馬鞍山在崑山縣北廣袤三里狀如馬鞍峯巒蔚秀極目
湖海百里無所蔽山出玲瓏石梁沙門慧居此上有浮圖
其陽有慧聚寺東偏有山神寺西有文筆峯山頂有華藏
寺南有桃源洞北有鳳凰石及春風亭正統間知縣羅永
年植柏千章名郎官柏

廣山圖



三才圖會 地理十七卷 四
虞山在常熟縣西北爲縣之鎮一名海虞山越絕書巫咸
所居又傳虞仲隱於此因名雖無峯巒而蜿蜒起伏畧如
臥龍山麓有雪井維摩庵太公石屋傍有石洞西北爲拂
水巖崖石陡峻水奔注如虹凌風飛濺最爲奇勝自南而
西有昭真宮昭明太子讀書臺在焉又西有三查石與石
城石門諸峯錯峙下有石壇周八十步

大湖圖



在吳郡之西南廣三萬六千頃中有山七十二襟帶三州
蕪湖一名具區一名笠澤一名五湖虞仲翔云太湖東通常也
長洲松江南通烏程霅溪西通宜興荆溪北通晉陵溇湖
東連嘉興韭溪水凡五道故謂之五湖今湖中亦自有五
湖曰菱湖莫湖游湖貢湖胥湖莫釐之東周三十餘里曰
菱湖其西北周五十里曰莫湖長山之東周五十里曰游
湖汾無錫老岸周一百九十里曰貢湖胥山之西南周六
十里曰胥湖五湖之外又有三小湖曰梅梁湖曰金鼎湖
曰東臯里湖而吳人稱謂則惟曰太湖云太湖有七十二



峯其發自天目迤邐至宜與入太湖峙爲諸山湖之西北
爲山十有四馬跡最大又東爲山四十有一西洞庭最大
又東爲山十有七東洞庭最大馬跡兩洞庭望之渺然如
世外卽之茂林平野間巷井舍仙宮梵宇星布棊列馬跡
之北津里夫椒爲大夫差敗越處也西洞庭之東北渡渚
鼇山橫山陰山秦餘長沙山爲大長沙之西衝山漫山爲
大東洞庭之東武山北則餘山西南三山厥山澤山爲大
此其上亦有居人數百家馬跡之西北有若積錢者曰錢
堆稍東曰大屺小屺與錫山若連而斷舟行其中曰獨山

有若二鳧相向者曰東鴨西鴨中有三峯稍南大墮小墮
與夫椒相對而差小爲小椒爲杜圻范蠡所嘗止也西洞
庭之北貢湖中有兩山相近曰大貢小貢有若五星聚曰
五石浮曰茆浮曰思夫山有若兩鳥飛且止者曰南鳥北
鳥其西兩山南北相對而不相見見卽有風雷之異曰大
雷小雷橫山之東曰千山紹山曰曠浮曰東嶽西嶽世傳
吳王於此置男女二獄也其前爲粥山云吳王飼囚也有
若琴者曰琴山若杵曰杵山曰大竹小竹與衝山近若物
浮水面可見者曰長浮癩頭浮殿前與浮鼇山相對而差小

者為龜山有二女娟好相對曰謝姑有若立柱巖薛玉柱
 稍却金庭其南為岷山為歷耳中高而旁下者筆格驤首
 若逝者石蛇有若老人立石公石虵石公石最奇與龜山
 龜山南北對面曰鼉山山旁曰小鼉山若螺者清浮二鼉
 之間若隱者見曰驚藍東洞庭之南首銳而末岐者曰箭
 浮若屋欹者曰王舍浮若浮又南為白浮淦厥之間有若
 笠浮水面者曰翦帽有逸於前後追而及之者曰猫鼠有
 若碑碣橫者曰石牌是為七十二然其最大而名者兩洞
 庭也





按吳淞江禹貢三江之一也一名松陵江其源自吳江長
 橋東流至尹山北流至甫里東北流至澱山北合趙屯浦
 又東合大盈浦又東合顧會浦又東合松子浦凡五大浦
 至宋家橋與黃浦合流入海是淞江洩大湖之水杭嘉湖
 與蘓松常同其利害者也開則六府均蒙其利塞則六府
 同受其害 隆慶四年巡撫海瑞借支軍餉及調取賑濟
 賊贖導河夫無碍錢糧委松江府同知黃成樂上海縣知
 縣張嶺等尅期開濬查勘舊蹟自王渡起至宋家港口共
 長一萬一千五百七十一丈闊三十餘丈今議減半開河

面一十五丈底闊七丈五尺深一丈五尺六寸共計用工
食銀六萬餘兩是歲大饑小民思盜自河工一興畚鍤雲
集不兩月而告成百姓至今尸祝之 今上萬曆十五年
以吳中歲遭水患奏請特設水利副使一員專管江南水
利駐劄松江是歲以河道副使許應遠來董其事出帑金
十萬佐修治費及至首濬吳淞然開濬未完而故道反塞
甚至斷流不一年盡爲平壤豈氣數之偶然抑人爲之未
盡與



機山在府城西北二十里因郡人陸機得名山山下有村曰平原亦以機爲平原內史故也

鳳凰山在府城北二十三里據九峯之首延頸舒翼宛若鳳翥故名華亭有九峯爲邑之勝此其一也

橫雲山在府城西北二十三里一名橫山或云因陸機弟雲易今名山頂有白龍洞潛通澱湖深不可測

余山在府城北二十五里舊傳有姓余者養道於此因名東西二峯延亘數里招提蘭若隱見其中土宜茶有泉名洗心甚清冽

繡林山在府城西北二十五里舊名神山唐天寶間改今名

崑山在府城西北二十五里陸氏之先墓此後生機雲時人比之崑山出玉因以名山

干山在府城北二十九里舊傳吳干將鑄劍於此因名又以形如天馬亦名天馬山山南舊有圓智寺

簞山在府城北四十里舊以土宜竹箭而名下有駱駝墩干將試劍石又有玉竇泉雨華洞山形雖小而遊覽者衆小橫山在橫雲山東由絕頂至東北皆峯巒隱起壁立數

仞色盡赭遊人呼爲小赤壁畫壁斬然一罅如虎丘試劍
 石狀前有石可踞坐下瞰小澗亦九峯奇絕處也



三柳圖




三柳圖

也里二卷


十二

三泖在府城西南三十六里太史公云泖之爲言茂也晉
陸機對武帝三泖冬溫夏涼圖經泖有上中下之名而舊
縣圖又以近山涇圓者曰圓泖近泖橋闊者曰大泖自泖
而上縈繞百餘里者曰長泖北有谷水一名谷泖或以爲
泖之異名自圓泖分流東絕沈涇塘爲橫浦入於顧會浦
沈涇又自北入大盈浦黃橋門斜塘石湖塘自大泖分流
古浦塘亦自圓泖分流俱合秀州塘今黃橋門塞水併入
斜塘勢湍悍東入潢潦涇遂爲黃浦





嘉樹林



陳朝檜在松江府壽安寺殿墀左右陸龜蒙皮日休有重
玄寺雙檜詩卽此宋政和間朱勔畫圖以進有旨遣中使
取之一夕風雨震雷碎其一其一尚存葉夢得避暑錄以
爲朱冲奉旨取平江白樂天手植檜與華亭悟空禪師塔
前檜皆唐時故物按臨安志悟空塔亦有雙檜東坡詩所
謂當年雙檜似雙童者乃在鹽官界石林蓋誤以靜安爲
悟空也

慧山圖



慧山在無錫縣西七里數峯連綿雲林頗幽登之可望太湖有聽松閣漪瀾臺山下有靈池異花載在方志有真儒隱客遺事故迹一名九龍山陸羽謂山陽有九隴若龍偃臥其泉伏湧潛泄論者以為第二泉云

張公洞圖



周處風土記謂漢張道陵脩仙於此洞面西北其周五里
脣有石相距丈許上一石橫亘宛若門闕上皆飛巖峭壁
嵌空邃深駭人心目下數百步洞益空豁石壁三面儼如
堂宇其通明處可方數丈謂之天窗雜樹蒙翳天光下垂
傳爲吳赤烏中震霆所闢上石乳萬株異形詭狀不可摹
繪時有泉下滴人默承之出洞衣潔如故稍有言其滴處
遂痕歸必浣滌亦甚異也中一臺崇三丈面可坐百人俯
瞰冥宵足不能措臺南石刻張公洞福地五字道書謂天
下福地七十有二此其五十八也臺之下怪石紛錯欹者

倚者銳而出者却而後者顛而欲仆者拔而起者橫理者
端莊而拱者偃者夷者將斷而復續者與石乳皆蒼綠一
色傳染不逮又有如筍之植如鳳之騫如禽之怒而走饑
而噬蓋洞之妙至此洞西壁斜裂下多亂石其東一穴類
洞而小人不取入正南壁下其深黑處云可通後洞出洞
半里東折觀後洞門石頗隘又東南數百步會仙巖孤峯
側立數仞橫理若鑿昔有人見二叟倚石遯形而入因以
名巖其下空洞有泉出焉自右而趨潺潺有聲極可聽一
斷碑橫臥草際乃元延祐四年重修會仙亭記

善春洞圖



二才圖會

地理七卷

十八

地理七卷

十八

善卷寺在國山東始於南齊建元蓋祝英臺之故宅也門
有榜曰龍巖福地行松間數百步泉上有亭翼然曰湧金
寺唐太宗十年七月所建柱礎刻字猶有存因名曰唐殿
其制與今絕異寺之後亂石離立泉交流其間數十步至
小水洞上飛崑突出巉峻可二十仞而大石翼其左右其
中有竇形類偃月深莫可測水由是出客投以瓦石輒闕
然鳴李司空碑謂微時親見白龍騰出洞中蓋龍穴云水
出洞潛行石下百步乃見其一南注經寺之鍾樓一東流
至於寺門一自湧金亭南下與東流匯至玉帶橋入於溪

鄉之人資灌田甚利復由平地登山計二里許西北循石
磴而上至乾洞右崖有刻字曰仙李巖下小洞如甕覘之
無所見洞左峭壁百尺一古木葉類榆朴根緣壁下垂附
石而出復產枝葉人不知其根也前有一石蹲踞爲洞之
主峯左白象右青獅相向而立象之形垂而獅之形則昂
以炬燦照之中有玉柱高可丈餘大六圍下圓而上銳光
潔如玉卽唐張承吉所謂玉柱闕靈根者也石之白而方
者高下井井儼如經畫曰仙人田瀦水尺許冬夏不枯洞
北有丹竈可容三釜竈之後倚壁一石石上特伸一手巨

而且長色白如粉指甲宛然曰米堆鹽堆以形似名南有
仙床倚壁如今僧之禪床石色皆青紅黃白相錯復綠石
磴而下凡數百級則大水洞在焉水勢迅奔而其流由外
而內入於小水洞而止聲如震雷且不盈溢不知其何受
而何泄也由洞而進右一長石直亘於中左之長亘者比
右稍狹若爲洞之第二門自外窺內洞益高水益深左右
石皆碧色如肝肺倒垂者以四五百計聯屬不絕二洞上
下相承不爽尺寸如巍樓然亦天下一奇絕也乾洞前有
九斗壇山有九峯如覆斗故名梁武帝禱雨輒應寺之西

名國山山顛有封禪碑寺之後有三生堂唐李嶺宋李剛
李魯伯一姓而皆位至宰相沈石田詩所謂一姓轉身三
宰相者也堂右偏石室刻壁仙庵三大字李曾伯所書乃
祝英臺讀書處與梁山伯同事筆硯者舊有偃柏在寺前
如臥龍今已腐爛滅跡矣寺門西有玉帶橋唐李丞相舍
玉帶而建者又名勝義橋李曾伯書扁寺前有龍巖亭扁
亦李曾伯所書也善卷者卽舜讓天下與善卷而不受逃
之深山謂洞名以此

玉女潭圖



三才圖會

地理二卷

十

三才圖會

地理二卷

十



玉女潭在山半深谷中淳膏湛碧瑩潔如玉三面石壁下
插深淵石梁百其上石上微竅日正中下射潭心光景澄
徹構重屋其上曰玉光閣亭曰靈應水伏流而南匯爲小
池爲亭其上曰凝玉凝玉之西一渠緣石旋轉可以流觴
曰流觴嶼古樾一株根柯鬱蟠礪礪如石其下湍瀨潌洄
與樹映帶曰瓊樹湍激玉軒在焉湍流西下折旋而南屬
於灣碕石礪屬如龍馬下飲如砥柱中矗水奔注激射如
鬪再折而東水益駛石亦益奇天矯如虬蟠如鼉奮飛流
噴薄激沫成輪聲震盪如行峽中曰虬鼉峽峽左石梁曰

滌橋而北地產美箭間以江梅曰梅竹隩琅玕所聽玉
察仁焉又北偃沼如初月曰生明池絕池爲梁曰隔凡橋
隔凡而上爲玉虛堂北出因山爲臺塏爽層出可以肆目
曰大觀廊廊之後爲周室又後爲雲著臺後爲環玉
岡雲著臺之左曰澄觀樓其前爲上元又前曰甫岡別
館爲護雲莊爲仙寓仙寓之南爲來仙由環玉回而西
轉出玉女潭之後叢祠奠焉曰玉清祠祠右隙地曰磔累
累散臥松竹間如群羊曰初平林西行百步巨石盤踞環
匝如墉曰盤玉隈西上繞出山椒曰縹緲亭亭下怪石林

立鯨騫獸伏競爲奇壯嘉木出石罅挺特修聳與石爭秀
曰琪樹峽西爲集靈谷又西爲飛雲洞自此緣石逕而行
曰瑤臺負臺爲室曰超宇宇後群石掀舞如花葉駢植聯
延如睥睨曰芙蓉城石之又奇者曰天成碑曰雨雷曰小
蒼屏曰青巖曰三珠洞曰二姑曰雙仙皆以狀類名而二
姑雙仙之間有期仙壑東下二百步爲文殊峯又東爲普
賢峯觀音巖在馬山自環玉岡而下林壑巖竇可名者二
十有三以其地在玉女潭之陽因名玉陽山而標其前曰
玉陽洞天玉陽洞天東金晶巖最勝深廣十尋其中石
壁奇峭水出壁下平流兩涯交絡如織瀕水石坻

十客水環之如玦巖石晶瑩日射之灼爍如金故云金晶
金晶巖之東稍南曰佛窟窅隘邃深詰屈不可窮其北爲
回陽洞上有畱仙橋踰橋而東爲鍾竇水激其中聲洪如
鏞玉陽洞天西龍湫最勝淵潛澄湛中空如室石皆下
垂崿岈岈不可名狀其後石壁插水壁盡處有穴僅可
容舟欹仄以入中空如外室而通明虛敞石充奇麗緣石
而上得穴甚隘偃僂而入轉出石室之上中空而下室石
柱合抱色正白如玉曰玉陽洞龍湫之西曰水犀洞石壁

幽峭水潛行而南出於南洞盤石之下曰浮盤浮盤之南
爲君陽洞洞凡三穴最後一穴稍深曰白龍藏湍激若龍
揭水跣行可環游出入彼此嘯呼與水聲相雜亦一奇也

山寺圖



蛟山寺在無錫縣之東南鄉山在平田蜿蜒如蟠虬上有
 萬松蒼翠茂蔚遠望之如碧雲馬寺甚幽山僧四五衆法
 堂右臨絕磴架屋數楹制如舟名山舫下有竇乳泉厥聲
 淙淙於秋夜聽之尤宜傍有李忠定公祠

南岳寺圖



岳寺在宜興縣南銅官山中四山廻合中一小山曰陽
 茨寺倚其麓頗荒寂惟修竹喬林飛泉恠石有足觀者產
 小歲修貢焉盧仝詩云天子未嘗嗚呼茶百草不敢先開
 又有稠錫樹洗腸泉事亦不經詳見邑誌

小口三山圖



下圖會

也里

十六

北固山在京口城北下臨長江元和郡縣志謂其勢險固
故名梁大同十年武帝嘗幸此山易名北顧自山之岡而
登里許至甘露寺門內稍右有鐵浮圖十級唐李德裕觀
察浙西時所鑄後燬于火今之浮圖宋元豐間鑄非唐舊
也登觀音殿殿前長江在日茫無畔岸殿側崖下有秋月
潭潭之右爲馬澗其水已涸庭下有鐵鑊二僧云梁武帝
植蓮其中以供佛者山之巔爲多景樓把酒倚闌雲影墮
江金焦兩山東西對峙如青螺列銀盤中最爲奇觀北下
山足有石室深可丈餘名觀音洞山之半爲真武祠鞠場



有狼石蘓文忠公謂寺有石如羊相傳諸葛孔明坐其上與孫仲謀論曹公兵事今此石絕不類羊而亦不在寺中鞠場之左有小水渟泓深碧名鳳凰池其上山石壁立可玩山南有天津泉 高廟駐蹕山中賦詩有甘露生泉天降津之句因以天語名之

金山在楊子江心其勝槩爲天下第一山下有石竝崎其前類雙闕然傳爲郭璞葬處泉曰中冷味極甘冽陸氏水品以爲東南第一水是寺曰龍游閣曰毘羅毘羅之南爲妙高臺上故有楞伽室宋眉山蘓公嘗書經於此北曰善

財樓大悲閣吞海畱雲二亭據山之巔登而四望江波渺然臺殿皆在其下令人神爽飛越亭南石刻妙高臺及玉鑑堂六大字稍下有塔基二南北相向蓋宋曾丞相布所建燬於火經觀瀾亭循石級西下歲久石多斷裂俯視江波如行天上足甚危慄巖曰祖師中肖唐裴頭陀像卽開山得金山因以名者也巖之右有洞深黑不可入有龍池旱歲禱之可致雲南左有龍王祠著祀與又有江山一覽烟雨奇觀二亭尤爲奇絕

焦山在府城東北九里峙江中卽古之浮玉漢末河東焦

隱士光隱此山故名有普濟寺門榜曰諸山第一峯徐武
功筆也上山二百步巖上刻浮玉二大字乃趙宋人書又
前一石橫出其刻字曰石屏與浮玉相對北折有江山壯
觀亭三召洞洞石硤研容可數人中像隱士光在漢末嘗
三召不起故洞名焉閣曰觀音閣前修篁叢立而金山雄
峙其前尤爲妙絕東折爲吸江亭相傳其址舊爲浮圖洪
武燬於火遂易以亭又東經焦山嶺爲大悲亭卽宋善財
亭故址山之最高處也江波浩渺極目無際而雲樹風帆
隱映遐邇又有自然菴面其前者汝山象山而象山去尤
不遠瘞鶴銘在山之足石已崩裂墮江雖水落亦不復見
古謂石有時而瀉信哉

白岳圖



地理二卷

三

白岳圖



白岳在徽州休寧縣一名齊雲巖自白岳嶺過桃源視下方平埜蒼然曰中和之亭過亭聽水聲冷冷曰桃花之礪礪南峭壁橫截一竇如剗刻作捲蓬大橋狀高員侔闕一石楠扶踈如蓋直闕前曰東天之門入門飛巘嵌空多成乳竇二石龍循洞門游鬣如石甃然雜塑釋道應真與中曰羅漢之洞稍西龍洞脊有飛泉洒下入碧蓮池濺乃如珠曰玕珠之簾崖西石壁上有如虎跡者曰黑虎之崖度天梯嶺入玄武觀中坐玄君塑像道流稱百鳥啣泥以成似神其說也左峯爲石鼓右峯爲石鍾夾觀兩峯爲輦路

觀後高峯千仞白雲封之曰齊雲之巖且觀子立鑄鐵亭
籠之曰香爐之峯觀西一小峯離立澗下曰捨身之崖踰
浮雲嶺層巒刺天左龍右虎曰紫玉之屏峯側有石如虹
臥泉一縷傍注爲洗藥池者曰鵲橋之峯橋左巨壁崛起
橫列如障穹然而樓閣其下曰紫霄之崖馴伏峯前昂首
似欲長鳴而起者曰橐駝之峯丹楹桓礎架駝奔而築者
曰無量壽佛之宮西北翠岫如螺髻者曰三姑之巖蒼顏
黛色向文昌閣如矯首欲語者曰五老之峯朱閣隱隱扼
山之吭曰西天之門山北向東西兩天門距可五里餘

黃山圖



黃山在宣歙境雄鎮東南山西之麓曰焦村蓬峯丹碧峭
拔攢蹙若植戟若側弁若列戈矛若芙蓉菡萏之初開雲
烟晴雨晨夕萬狀繇焦村南道二十五里至湯嶺仰視群
峯猶在霄漢間瀑布聲訇磕如雷怪石林立又十里爲祥
符寺寺前淙流走石間山皆古松名杉藤絡莎被蓊鬱龍
茸有靈泉自硃砂峯來依巖通二小池池瑩徹廣可七尺
深半之毫髮可鑒寺有南唐碑初名靈泉院宋祥符中改
今額有龍池奔流噴薄瀉石潭中亭午照燭五色璀璨寺
傍數峯凌空曰天都芙蓉硃砂其尤高者天都峯也又有



翠微寺寺庭有井泉此麻衣師卓錫處一峯卓然獨秀直
峙東南隅曰翠微峯七十里至絕頂頂平廣倍尋環視數
百里岡巒墟落歷歷可數又村北十里曰仙源觀林阜周
密又踰興嶺而南衆岫疊嶺效奇獻秀盡在一覽又自橫
嶺陟小丘道左竹杉陰森有潭曰白龍巨石豁豁洶湧衝
激深不可測世稱黃帝與浮丘容成於此山上昇故名黃
山

疊嶂樓圖



二九圖會
其理七卷
四十五
疊嶂樓在寧國府治陵陽山之第一峯晉謝玄暉之高齋
也詩云結構何迢迢曠望極高深窓中列遠岫庭際俯遙
林唐獨孤及重建更名疊嶂而高齋廢矣李太白詩云誰
念北樓上臨風憶謝公後作郡者別建高齋於其麓以復
謝公之舊別有正心樓在疊嶂之西麓甚宏爲江南第一
樓云

敬亭山圖



敬亭山在寧國府西十里之霞石埠連峯如屏蒼翠鬱然
 晉謝玄暉守宣州時常登遊馬李太白獨坐敬亭山詩云
 衆鳥高飛盡孤雲歎去閒相看兩不厭只有敬亭山

齊山圖



齊山在池州府城南因唐刺史齊映得名山有仙人跡跡
巨而且長紋劃顯然捫蘿而上爲翠微亭林木森蔽禽鳥
飛鳴迴視下界真隔塵世臨九頃洞涉小九華則群石森
立其數與九華等故以九華名由招隱巖南望天門則石
耳諸山歷歷如指掌上青巖中有巒石塞道形如抱磬巖
右爲壽字巖仰視宋張時修所刻壽字不爽毫髮又自蕉
筆巖南至妙空巖穹然空隆乳溜凝結紺翠蒼綠潤如過
雨妙空西上爲石鼓洞洞有石旁出如肺肝懸壁擊之鏗
然可諧絃管又傍一石與前石無異擊之若槁木竟不知



造化之逞奇於泉石若此也西爲仙人橋廣僅咫尺長五
之竝跨兩崖膚理渾然不假人力三者於齊山爲最勝山
之東有華蓋洞洞口石峙如門其中豁然上員如蓋下平
如砥可坐數十人洞形九旋由大而漸入於小如螺尾然
今之華蓋殿卽此製也

九華山圖



九華山在池州府青陽縣治南三十里舊名九子唐李白以山頂有九峯如蓮花易今名高數千丈南望石埭西望貴池北由五溪抵山麓紆徑險峻躋攀而上五里有湧泉亭稍上有半霄亭又三里有碧霄亭有大小天仙橋踰橋三里有望江亭長江如帶有懷賢亭四面嶙峋其中廣依山爲化城寺寺數百楹寺東爲太白書堂前爲芙蓉閣西爲陽明書院西南里許有神光嶺嶺有塔寺舊傳地藏仙神之後光如火焰故名塔寺西崖有松曰五釵惟一本嶺西五里有文筆峯下列芙蓉峯嶺之南上有古仙峯下有洞深數里有石床石座或溪或崖入必以火東燕坐巖天賢臺龍女泉旁有白蟾穴稍南有平田岡金剛石幽勝奇觀塔東里許有東巖舊名捨身崖深無底止陽明嘗於絕壁題詩易今名又有邃谷巖巖有溪傍有石墩有東藏源源東爲中峯衆峯環外而此峯居中上睎日月下矚雲雨清泉迸石翠霧凝空中峯之上有甘露泉味冽甘美有浮桃澗會仙峯其下有大還嶺斧柯嶺舊傳二仙對奕故名其東有列仙峯齊雲嶺嶺南香林峯金光洞望之若有金色照耀北曰煎茶峯下有呈鳳嶺有懸水有飲猿潭淅淅

水流遶北麓有仙人峯舊爲李白書堂基今有甘泉書院
東北里許有鳧鴈峯有龍潭波流清澈色如蒼苔有綺霞
峯有合澗二水合流下瀉爲千尺泉有弄珠潭漚浮如珠
有赤壁峯下有集福橋西十里與中峯對峙有雲外峯有
思賢巖巖半舊爲滕司諫書堂有頭陀嶺肖人首爲王秘
書書堂嶺西有翠屏峯南有金沙泉其中爲無相寺東五
里有羅漢峯其下有雙峯舊有臥雲菴下有清漪潭有處
士巖清隱巖劉世疎嘗大書三字勒石有十丈洞石室四
圍松檜森秀前泓一溪南有葛仙洞高二丈餘洞口如甕

茫無畔岸有三游洞洞深邃有三曲有上下華池雙峯下
曰下華池泉甘土肥產異茗有歸雲嶺有獨秀峯有野螺
峯有幘峯其下有觀音巖巖上有真人峯又東北十里折
而南爲廣勝寺有釣魚臺有雪潭流泉湧瀆狀類雪花深
不可測其下有瓔珞泉北有雲巖洞怪石凌空廣邃如堂
奇花茂卉爲九華絕勝傳有獵者逐鹿偶值其所再往不
可得有枕月峯月出從此峯而上又前有煉丹泉其上有
五老峯有獅子行道峯自廣勝東北十里有洪嶺嶺側有
虎跑泉東三里爲蓮花菴前有清水潭上有蓮花峯峯頂

有古松一本甚奇勝有石碑峯有招賢峯舊傳唐有隱者
讀書於此北有翠蓋峯五色蒼翠東有安禪峯梁杯度唐
道濟二禪師居焉有積稻峯勢如露困北有寶陀巖下五
里有幽谷爲廣福寺又五里有拾寶巖舊爲甘贄行者之
宅今爲圓寂寺其東有果老石伏虎巖舊傳伏虎禪師居
此巖下三里爲曹冲菴舊爲廣化寺又東上三里上有蓮
花峯有無極峯下有碧雲菴前有雲門峯上有碧雲峯峯
之半有石室西有螺髻峯靈龜石翠羽池百尺潭仙人塘
又東南二里爲淨信寺上有春陽臺沉磯石竝環瑰崛曲

北有黃匏城南去五里有覆盂峯有雙溪上爲福海寺前
有臥牛石西上五里有七布泉又上有九子峯其下爲寺
前有文殊峯拱神峯諸峯森列如衆星拱北有石照其側
有天井有垂雲澗關雞石如兩雞互啄有三斧石南上里
許有特峯又南五里有石崖石翁石池石泉竝崇崛清麗
爲翠峯寺絕巘有滴翠峯烟嵐濛霧翠色如滴廬黃敬亭
隱在望中有石碑峯下有透碧巖南下有菖蒲澗舊生蒲
一寸九節右側有昇雲峯下有潭旱乾不竭雲興卽雨有
翠微峯少微峯舊爲費拾遺書堂少微之北有碧玉泉天

香嶺舊傳唐詔起拾遺不就使臣懼其逸也焚香諭旨故名嶺側有風輪石有梅花峯有美人峯孤峯韶藏宛如淑女素粧西南五里有青峭巒諸峯秀拔面挹其勝有玉甌峯峯側有淨巾石北有雙石巖峭石雙聳夾道石壁插天流泉傾下嘗有異物出焉東有漱玉灘兩石峭聳一瀑前流如戛玉聲又有東陽澗有琉璃灘有雙闕峯凌空削壁險峻無極不可以上稍次有天柱峯如柱插天爲淨居寺其側有展旗峯山如南去如旗幟然前有疊石塔欹而不傾鳥集不穢北有普賢臺嶺外有龍游澗下有嘉魚池池

中有石臺舊傳竇子明李化文釣魚於此下有流觴灘曰丈潭又東南十里有雲峯絕頂有天池峯菱芡菰蒲不種自生有鳳樓峯其下有碧桃巖舊傳趙之微嘗種桃其間以會群仙有二神峯比肩如兄弟然下有黃石溪平田千畝水旱無患上三里有石菴西南有天台寺蹟下有鉢盂峯勝槩效目爲化成寺東界又南十里勢聯九華有同山唐李化文墓有霞山翠嶺翹秀西南十里有白鶴山巖壑杳冥舊有白鶴真人廟貴池界東南五里有南陽山群巒積翠羅列如仙又三里有小魚龍洞由深谷而下有大魚

龍洞洞凡七洞口有水編笈秉燭乃可入內外有石肖獅
象鍾鼓仙侶蓮花棋局抵七洞有石竇日光射入石穴流
泉湧出劉夢得嘗愛終南太華以爲此外無奇愛女几荆
山以爲此外無秀及見九華深悔前言之失也

采石圖



采石山在太平府城北二十五里昔人於此取石因名臨
江有磯亦曰采石唐李白嘗乘月與崔宗之自采石至金
陵著宮錦袍坐舟中卽此又牛渚山下有磯曰牛渚去采
石磯僅一里舊有險要備禦之地亦名然犀浦世傳下多
怪物晉溫嶠燃犀照之須臾見水族覆火奇形異狀或乘
馬車著赤衣幘其夜夢人謂曰與君幽明道別何意相照
卽此

三才圖會

雲間元翰父王圻纂集

曾孫爾賓重較

地理八卷

泰山圖

靈巖圖

闕里形勝總圖

孔林圖

瑯琊山圖

大崑崙山圖

太白樓圖

營山圖

鑿巫閭山圖

十三山圖

蓬萊山圖

五臺山圖

恒山圖

白登圖

雁門關圖

單于臺圖

首陽山圖

代王城圖

禹門圖

砥柱山圖

關中圖

終南山圖

驪山圖

太白山圖

武功山圖

輞川別業圖

華山圖

磻溪圖

金牛峽圖

崆峒山圖

仇池山圖

崑崙山圖

軒轅臺圖

泰山圖





按泰山在山東濟南府泰安州五嶽之東嶽也博物志云
 泰山一曰天孫言為天帝孫也主召魂東方萬物始成故
 知人生命之長短五經通義云一曰岱宗言王者受命易
 姓報功告成必於岱宗也東方萬物始交代之處宗長也
 言為群嶽之長白虎通云王者受命必封禪封者增高也
 禪者廣厚也皆刻石紀號著已之功績以自效也天以高
 為尊地以厚為德故增泰山之高以示報天禪梁甫之趾
 以示報地漢官儀及泰山紀云盤道屈曲而上凡五十餘
 盤自下至古封禪處凡四十里出太安可二里所即入山

自是皆詰曲逶迤而上峯勢截薛若相噬而傍多溪澗泉
流礮礮間作悲鳴與笳吹相應久之至迴馬嶺又四里抵
御障巖一曰御仗宋永定陵東封止仗衛處其前爲巨澗
澗底白石砥平如玉色而巖陟上廟其巔頗寬又行可三
里抵黃現黃現者不知其所繇名有松五卽所謂五大夫
者也以厄於石不能茂而稍具虬虺狀又上里許爲百丈
崖崖凹深如屋傍有石洞槎口而下黑其窅叵測已度石
壁峪爲十八盤者三而穿中竇曰天門行可里許爲元君
祠元君者不知其所由始或曰卽華山玉女也天下之祝

釐祈福者趣焉祠宇頗瑰備後一石三尺許刻李斯篆二
行一石池縱廣及深俱二尺許亦曰玉女洗頭盆也自是
左折而上里許曰嶽帝祠陋不能勝香火其後峭壁造天
左爲開元帝紀太山銘唐隸徑可二寸而羸勢若飛動左
爲蘓題東封頌字形頗秀媚尚可辨又有顏魯公題名自
是益北上數百武爲絕頂曰玉皇祠祠之前有石柱方而
色黃可丈許所謂秦皇無字碑也其石非山所有或曰中
有碑石冒之復折而東稍下百步復上百步石室冠之高
如玉皇祠中有釐色石蓋方丈瑩潤可鑑云漢武帝所藏

金泥玉檢地傳云白雲起封中者是已其前地稍闢即所
稱日觀秦觀越觀諸峯者蓋五鼓而起觀日出則爲日觀
西望而見秦則爲秦觀南望而爲越觀天霽日盆弄色其
東南盡目力微白而冕漾者則爲海直北而西隱隱一抹
蒼碧若長城之堞者則爲太行恒崧至稍遠而淄澠濟泗
千流疊帶近而諸山皆若培塿俄而諸山各出白雲一縷
若冢中起稍上大如席几數百道則狂馳而遇輒合其起
無盡其狂馳而遇亦如之頃刻遂徧成白玉地而仰視則
空青瑩然上下異色所謂野馬網緼信也

翠巖圖



循岱之陰至靈巖沿澗入夾道皆土檀脫膚而虬節入山
 門紅鶴滿林爲開山師法定雙鶴之瑞定師佛圖澄于石
 趙間剏寺無泉則見雙鶴棲山麓遂卓錫而視鶴立與錫
 卓處咸湧二池爲雙鶴卓錫二泉殿製三層二十八角中
 須彌南觀音北藥師東釋迦西阿彌各以其方鎮之爲寺
 正殿殿右一古柏不知種於何年折柏西有石竇于地下
 門扃不開爲魯班洞北數十武浮圖高十三級下與洞通
 爲辟支塔繇龍藏折而北過千佛閣片鐵高七尺作水田
 狀或古佛所遺衣身也爲鐵袈娑香積厨東石龜高六尺



三才圖會
 地理八卷

三才圖會

地理八卷

七

空其中以盛甘露泉泉脉近塞而龜遂裂好事者引別流以存故實爲甘露亭又北攝而上後倚獅子巖前對雞鳴山鐵嶂正方如削下藏一洞洞下標一亭環四山而立夕陽之景收一寺盡矣爲抱靈亭遠望東巖縹緲有石如人立爲朗公山寺碑不下數百惟蔡下書大碑一幅橫經四片爲佳刻寺南一山有穴穿見南天乍視之如明星爛然冬日之午正與寺對爲通明竅

嶺里形勝總圖



地理八卷

孔林圖

太山

魯公墓

軒轅壽陵

周公廟

防山

尼山

沂水

垂光址

兩觀址

洙泗

泮宮址

檜榭

孔廟

曲阜

大魯墓
泗水侯墓

沈同公墓
子貢櫛

孔廟

孔廟

曲阜

孔廟



三才圖會

地理人考

魯曲阜城殷殷猶存平岡周可二十里今城其西南隅也
 舊城南爲今麗譙北則倚孔林周文憲王廟峙城東北趾
 特隆起或謂舊當城心爲魯象魏抑然也孔廟直闌闌中
 高垣豐廈廊廡翼翼金鋪作闕碣石爲基不下王者宮大
 成殿塑聖賢像以次袞冕坐殿前爲杏壇殿陛至門檜柏
 多漢唐植種種奇貌其倚門左紋左紐子立者爲手植檜
 高不踰簷枯無寸幹瓜之青理生意蟄焉前朝乃經兩度
 榮良異也門內外植碑最古者一首組製一尖製爲蔡中
 郎陳思王書左片石書五鳳二年六月四日成字爲西漢



人筆跡出廟門東爲衍聖公弘復宅次顏廟貌亞之博士
君迂于中逵與登樂亭觀顏井廟前爲陋巷遺趾次出城
一廟荒落獸神路檜柏佳行其下翠色欲滴衣袂者千步
爲祀周文公處次西五里入林門內一枯楂立五十尺未
什爲子貢楷路斜百餘武封高隱車爲文宣王墓前爲沂
國公伋萇三墓皆東南向對防山而豐碑南向立林園十
里樹萬種不能盡識然無棘茨無鳥獸聲後泉泗水前拱
洙流是爲孔家林問闕宮靈光則已蕪沒久矣林外崇墉
如兩觀起者是爲魯北舊城云

瑯琊山圖



琅邪山在諸城縣東南一百五十里東枕大海齊景公欲
 遵海而南放于琅邪即此

大崑崙山圖



大崑崙山在登州府寧海州東南四十里與小崑崙連秀
拔爲群山之冠上有太白頂中有烟霞洞本名姑蘓山仙
經云麻姑嘗於此修道上昇餘跡尚存故名姑餘後世訛
名崑崙元史云崑崙山丘處機與馬鈺譚處端劉處玄王
處一郝大通孫不二同師重霞王真人於此
烟霞洞在大崑崙山金大定間有重陽王真人自關西抵
崑崙謂山前大姓于氏曰我嘗修煉此山烟霞洞中盍往
登焉于笑曰我世居此不聞有洞乃相與求之果有洞洞
口有烟霞二字大多神異乃爲立祠紀石焉

太白樓圖



太白樓在濟寧州城濟汶環遶沃野漫衍帆檣上下樓閣
掩映頗稱登眺昔賀知章爲令時李白過之飲酒於此故
名當時碑刻俱存元著作郎陳儼重修李白酒樓記其末
有歌

勞山圖



勞山在萊州府卽墨縣東南六十里海濱山有二其一高大曰大勞其一差小曰小勞齊記泰山雖言大不如東海勞逢萌歸自遼東養志修道於此

鑿巫閭山圖




醫巫閭山在廣寧衛西五里舜封十有二山以此山爲幽
州之鎮因是遂爲北鎮其山掩抱六里故又名六山上有
桃花洞其中可容五六人又有聖水盆三其水自懸巖下
瀉雖冬不冰又有仙人巖飛瀑巖山下有北鎮廟廟內有
呂公巖上有北嶽行宮箕子祠




十三山在廣寧右屯衛北三十里山下有洞山上有池五代史胡嶠北行記東行過一山名十三山云此西南去幽燕二千里又遼史燕王淳討武朝彥至乾州十三山即此峯巒環列大小相錯出山海關即望見之凝嵐積翠於大荒中若遠若近宛若圖畫海上一奇觀也

蓬萊山



蓬萊山一名蓬丘山一名雲萊在東海中高一千里地方
三千里上有金臺玉闕乃神仙之都上帝遊息之地海水
正黑而為溟渤無風而波浪萬丈不可往來惟飛仙間有
能到者昔禹治洪水既畢乘輜車度弱水而到此山祠上
帝於北阿歸大功於九天又禹經諸五岳使工刻石識其
里數高下其字科斗書非漢人所可曉今丈尺里數皆禹
時書

五臺山圖



五臺山在山西太原府五臺縣東北一百四十里環五百餘里山有五峯高出雲表頂皆積土故爲之臺佛經云北方有文殊師利所居之地曰清涼山卽此也山中圓光不時呈現亦時有金蓮鉢囊熟綿花之瑞柳宗元曰雲代間有靈山焉與竺乾鷲嶺角立相應

中臺高四十里頂平廣周六里頂西北有太華池取水禱雨輒應正東左畔去臺五里有雨花池前三十里有飯仙峰中臺案也東南有鷲峯西則有甘露池

東臺高三十八里頂平廣周二里頂東畔有那羅延洞僅



容人身側入洞中風寒盛夏有水五色光彩嘗從內出又
東有樓觀谷內有習觀巖西北去臺十五里有華巖嶺仙
人洞東南嶺畔二十里有明月池人傳以紗帛障目下觀
或見月在水中西南有清峯一名大羅頂南連望聖臺臺
下有東谷池西南石上有羅侯顯跡又有善才菴又東去
臺有溫湯池溫泉寺

西臺高三十五里頂平廣周二里頂上有魏文帝人馬跡
北有秘魔巖洞天陰中有聲如風西嶺畔有薩搖崖損身
崖去臺西北有八功德水東北下有文殊洗鉢池

南臺高三十七里頂平廣周二里南去七十里麓畔有聖
僧巖又名滴水巖西南二十里西崖畔有三賢巖又名七
佛菴東三十里交口下有聖鍾山狀如覆鍾西北十五里
有清涼嶺嶺西北有清涼泉上有羅漢洞東北竹嶺東南
十里有金閣嶺

北臺高三十八里頂平廣周三里名掖斗峯頂南畔有羅
侯臺臺頂有黑龍池卽天井南下二十里有白水池與天
井連其水經繁峙縣峩谷口入滹沱其麓有七佛池南又
有飲牛池東北有寶陀峯又名寶山產銀石碌又產天花

菜東北二臺麓有金剛窟又名金剛洞去二臺各二十里
 昔佛陀波利入此不出



恒山圖

紫雲山

三



按恒山五嶽之北嶽也在山西大同府渾源州周官并州
 其鎮山曰恒山風俗通曰恒常也萬物伏北方有常亦謂
 之常山高三千九百丈七尺上方三十里周迴三千里有
 太玄之泉神草十九種服之可度世管子云其山北臨代
 南俯趙東接河海之間早生而晚殺五穀之所蕃熟四種
 五穫焉後魏書云道武立廟於其上置侍祀九十人歲時
 祈禱水旱至文成帝東巡親禮其神焉

又

北嶽在渾源州之南爲舜北巡狩之所恣生于天縱盤于


地其胸盪高雲其巔經赤日循坡東迤嶺北而上是多珍
花靈草恣態不類姚芳李葩映戴左右山半俯窺高如綠
虛歷空上七里是爲虎風口其間多橫松強柏狀如飛龍
怒虬葉皆四衍登頰三里始至嶽廟之上上有飛石窟兩
崖壁立豁然中虛相傳飛于曲陽縣今尚有石突峙故歷
代怯升登就祠于曲陽以爲亦嶽靈所寓也又數十步許
爲聚仙臺臺上有石坪東則漁陽上谷西則大同以南奔
峯來超北盡渾源雲中之景南目五臺隱隱在三百里外
而翠屏五峯畫錦封龍諸山皆俛首伏脊于其下

白登圖



白登在陽和城南三十里坡陀漫衍沙草荒蕪有廢壘焉
居人數十家如蜂房蟻垤史記漢高帝自將討韓王信居
晉陽聞冒頓單于居代谷悉兵三十萬北逐之至平城兵
未齊冒頓縱精兵四十萬圍帝於白登七日用陳平秘計
乃得解圍去卽此地也

雁門關



雁門關在山西代州雁門山因山以立凡山西之關四十
有餘皆踞隘保固而聳拔雄壯則雁門爲最故趙之李牧
漢之郅都備邊於此匈奴不敢近塞固皆一時良將而不
可謂非地險以成之也出代州北行皆登陟盤繞之路溪
水潺潺其民皆依山居高下置屋圖不可盡午上關折西
躡高嶺絕頂四望則繁峙五臺聳其東寧武諸山帶其西
王陽石鼓挺其南朔州馬邑臨邊之地在其北長坡峻阪
茫然無際又見魏旌高旗飄飄雉堞之上寒林古塞依依
斜陽之下頗動黃沙紫塞之思

單于臺圖



單于臺在今大同府邊外故榆林縣地漢武帝行過雲中
勒兵十八萬登臺使人約匈奴與戰匈奴逃避不敢至

首陽山圖



首陽山在蒲州南四十五里爲伯夷叔齊隱處至山下謁
二賢祠門之外有古柏二其一大二十圍高三丈許形狀
殊怪其次圍殺三之一二根相距數尺而幹上交若兄弟
之相倚者傳爲二賢手植殆未必然其亦千年物歟祠之
像爲宋元祐中所塑其前復塑一白鹿道士云二賢食薇
兼飲鹿乳故塑之此說不見傳記人鮮有知者祠下有歷
代石刻其最舊者唐開元十三年葉昇卿碑也祠之右卽
二賢葬處高墳竝峙上多古柏直墳之前爲屋中豎山谷
老人碑及刻首陽山古賢人墓六大字先儒謂首陽卽古



之雷首也禹貢曰壺口雷首至於大嶽蔡仲墨云雷首在蒲坂縣南蒲坂卽今之蒲州蓋州之山無所謂雷首者今首陽北數里有中條山州志謂此卽雷首曰中條者以其界河曲之間延綿不絕故名又謂中條之下有水曰雷澤卽舜所漁之地此又可見中條之爲雷首矣若雷首之獨稱首山猶大華而曰華山匡廬而曰廬山此自昔皆然不可謂首山爲汎名也

代王城圖



代王城在蔚州城東二十里遺墟故址尚存甚巨成湯時
所封代子之國也或誤以爲漢文帝之遺非是按史記趙
無恤之姊爲代子夫人無恤欲滅代乃與代子好會於夏
屋山爲銅斗而長其柄使宰獻炙魚因柄擊代子殺之遣
人召其姊夫人聞代子死乃慟哭磨笄自刺而死今其地
有磨笄山俗稱馬頭山

禹門






禹門禹貢龍門也亦曰禹門渡云兩山石立河出其中廣
百步世謂禹鑿所謂三月魚土渡而爲龍也其東岸曰看
鶴臺允孤峭不可下瞰西爲梁山卽河梁也北曰建極宮
道家祠神禹者也刻石十餘多元名臣文地極幽其間烟
雲水石之聚虫蛇罔象之居相傳桃花開時河水噴激聲
震萬雷殆異今也竝河之東爲太史公墓前爲廟有晉永
嘉中殷濟樹碑今皆圮於河下山過子夏墓墓在新豐里
新豐南曰通化里卽文中子講學處也又有東臯子黃頰
山詩東臯子文中子弟也名續字無功以琴酒自娛隱黃

頰山題是詩山壁詩極永非唐以來人語宋熙寧初學公
 壽始訪其地刻石縣學因載所游其石陰附以龍門之歌
 龍門今天開河水今天來我思古人今何在哉

八柱圖



三才圖會


地理

八卷

砥柱在邠州東五十里黃河中以其形似柱故名禹貢謂導河東至於砥柱卽此往游砥柱循河而行至三門集津三門者中曰神門南曰鬼門北曰人門其始特一巨石而平如砥想昔河水汎濫禹鑿之爲三令水行其間聲激如雷而鬼門尤爲險惡舟筏一人鮮得脫者名之曰鬼宜矣三門之廣約二十丈其東百五十步卽砥柱崇約三丈周數丈相傳上有唐太宗碑銘今不存蔡氏書傳以三門爲砥柱州志亦謂砥柱卽三門山皆未嘗親履其地故謬誤若此又按隋書載大業七年砥柱山崩壅河逆流數十里



砥柱今屹然中流上無土木而河之廣僅如三門奚有崩
摧而壅河逆流至數十里之遠蓋距河兩岸皆山意者當
時或崩人遂以為砥柱而史氏書之也孟子云盡信書不
如無書有以哉




夫秦四塞之礪也雖偏鎮于西隅而國之形勢實爲天下
 雄固帝霸之業也若夫盤五而秀于南者則中南太乙馬
 隆隆乎陰于西極而東望潼關者則華嶽焉東注咸陽則
 灑水之所導也其境有蘭池阿房之宮咸陽之南周之鎬
 京也茫茫四陵南北相望秦宮所營灑其鬱焉豈惟涇水
 之望陵哉西北臨乎幽國而奕奕者其梁山也細縕而蒼
 蒼內有離宮別館昆明西陂輦道紆曲而相屬者秦之上
 林也鬱然起于鄠之東南者有紫閣峯焉其周之靈臺廢
 也久矣橫畫乎藍田者有秦嶺焉霸水之所出峽閣之所



鎮也截于西域而嫫姚之所開者其玉門之關乎環于漢陽而微茫者其鳥鼠乎限于北漠之陞匈奴倚垣而窺者此秦之長城紫塞也紆蔽乎朔方而胡笳戰馬之所集者其賀蘭之山乎聲下龍門景入太華而浩蕩者黃河也而瀑布之潏漾者則太白馬荆山峙于河則大禹鑄鼎之墟也若夫太液曲江之池樂游細柳之原驪山之溫泉新豐之粉社隴山之九坂長安之章臺又有博望西郊芙蓉未央長樂建章甘泉之宮不可勝數其近而羅列者皆鍾秀于雍州其遠而環帶者皆隱耀於關中也

終南山





終南山在西安府城南出城行三十里經樊川漢將樊噲嘗食邑於此在唐為常安石別業又名常曲岡巒迴繞松竹森映而水田蔬圃連絡乎其間秦中一勝地也岡之上登牛頭寺寺舊有唐貞元中徐士龍撰徧照禪師碑今不存所存者仙人丘長春詩刻離牛頭南行四十里至南終山入普光寺在山之麓道益峻險躡亂石冒懸崖屈曲而上西有日月巖下刻石篆書松泉二大字又上至抱子巖紅玉泉洞又有八仙洞在山之西壁限以流泉非跣足不得入又上有石巖若老嫗憑巖而休左有圓石明可鑿物

謂之石鏡其上則徵源池也池一名太一湫其上環以群
山雄偉秀特勢逼霄漢水廣可數丈深丈許錦鱗浮游人
莫敢觸鱗之大有三二尺者自昔禱雨咸在於是其南卽
太一殿殿左有三官雷神二洞所謂金華洞者在山之最
高處洞有積水然不能至也又從別道至興教寺內有三
塔其中塔特高大爲唐三藏法師玄奘瘞身之所左爲慈
恩基公塔右則大周圓測法師塔俱有銘寺之北舊有玉
峯軒宋元豐四年知永興軍呂大防建令廢惟長安今陳
正舉記石僅存

驪山圖



驪山在西安府臨潼縣縣南半里卽抵其麓經雷神殿東折門有綽楔榜曰溫泉池過北有室三楹啓其扇卽溫泉也人呼爲官池蓋非貴人不得浴此池四周甃石如玉環狀中一小石上鑿七竅泉由是出相傳甃石起秦始皇其後漢武帝復加修飾官池之左有泉曰混池以浴小民東行卽華清宮故址上有三清殿前臥一巨鍾視其款乃華清物又有三碑右爲後魏溫泉頗惜多剝落左刻金尚元龍草字其陰刻劉子頤成道記子頤山中道士宋仁宗朝嘗見賜號凝真太師三清殿後爲玉皇殿面三清者七星

殿也南上十五步爲玉女閣下有方池卽溫泉發源處飲之可以已疾每秋暮人取未熟柿投其中經宿食之不澁其石爲玉女洗頭池沐髮者多去瘡蝨山之半平坡朝元閣舊建於此山左肩曰東繡嶺右肩曰西繡嶺當時林木花卉之盛類錦繡然故名閣與華清之廢皆不知何時其易爲道士之居則後晉天福中也又上二里爲老君殿舊云天寶七年十月老君見於朝元閣南玄宗於其處立降聖觀琢白玉石爲像今尚存殿壁繪唐臣之像殆當時人筆其西南有泉名飲鹿槽今涸又上二里爲老母殿老母

卽唐李筌所從受陰符者山之巔舊有烽火樓昔周幽王
 欲媚褒姒舉烽火以來諸侯之處東行八里折而南二里
 至秦始皇陵陵內城周五里舊有門四外城周十二里其
 址俱存自南登之二丘竝峙人曰此南門也右門石樞猶
 露土中陵高可四丈昔項羽黃巢皆嘗發之老人云始皇
 葬山之中此特其虛塚其言當必有所授也

太白山圖



太白山在西安府郿縣城東南四十里鍾西方金宿之秀
關中諸山莫高于此其山巔高寒不生草木上有鐵鑄山
神牌三曰大阿福二阿福三阿福有湫池雖三伏亦凝冰
蓋山巔常有積雪不消盛夏視之猶爛然故以太白名關
中遇旱則登山取湫然山既高寒冰雪常凝身弱衣薄登
山者多死俗傳以爲太白神能留人非也麓有鬼谷卽鬼
谷子授蘓秦押闔術處

武功山圖



武功山在西安府武功縣西百二十里郡志云晉有武氏
者夫婦各擇棲鍊所夫居茲山婦止西昌之武岡同日賓
仙故稱茲山爲武公而呼武岡爲武姥云山行至楓木凹
卽武功東界也迤至北斗七星岡峭徑紆折高下循溪往
水瀟瀟激石鳴抵平湛靜迄下行有所觸輒復作響千巖
萬巖或峻矗入雲如筆竝竊攢或壁障排頓如植碑倚屏
或倒崖作磬折狀或傑竦如弁冕執圭爲敬者又如龍鳳
軒舉如虎豹躩且踞如飛走器物靡所殫述自山麓行叢
林蒙翳瀑布鳴鳥在上自山半行空處翠濕衣泉瀑鳥聲



皆歸履舄下時有偃樹橫澗以濟人而根葉具存時有石
枕流如天生橋方竹龍草仙茅靈藥所在有之自楓木凹
四十五灣約十五里許至迎仙橋橋北爲圖坪菴一名小
桃源有二杏樹逼簷對峙各大丈餘東花西實至明年花
實易向矣此植物所無也山有五菴箕峯在圖坪南集雲
行宮二菴在圖坪東北其西則九龍也因所通道置以憇
謁者又十五里葛仙壇而張許二仙翼列者不知其由也
謁者以壇爲頂聞白鶴峯猶高雲雨皆出其下白鶴仙居
之武功水發源其顛瀕瀛噴沫如芙蓉發榮聞人語則愈

益溢出其爲行者所循溪皆其委也相傳爲葛仙煉丹池
西北有雷崖豁洞嵌可容數百人路險絕遊者必緝掖而
升然人或褻之卽迅雷霹靂故名雷崖上有數十洞恍惚
有人居其中可望而不可卽蓋爲葛仙藏書處又其阻有
齊雲山山有寺徑亦澁惟獵者時入焉荒基敗礎平疇帶
溪沃田數千畝溝塍宛然皆柞械充布亦避亂全生之區
也

朝川圖



輞川別業在西安府藍田縣西南輞谷唐王維置別業於此其遊止有孟城坳華子岡茱萸泝辛夷塢木蘭柴等二十景與裴迪閑暇各賦以詩云

華山圖



按華山五嶽之西嶽也在周官豫州其鎮山曰華山華山
 記云頂有池生千葉蓮花服之羽化因曰華山出城南三
 峯在望插天寒碧映入脾肺七里至雲臺觀周武帝時焦
 道廣居雲臺峯築此延之又南行二里至玉泉院宋端拱
 中建以居希夷先生者也院後有塚至五里關往時避兵
 者就險壘石爲關額曰通天第一門行四里爲希夷峽山
 勢壁立澗水經其中滙作小池從石室榜下之如琴如筑
 鳴聲悅耳希夷脫骨於此或云卽張超臥仙坪也半壁有
 穴飛抱之又里許至杪羅坪遂至杪羅菴菴外東面石壁



可數十丈鳴瀑掛壁而下有坎兩兩直上可容足趾道士
郭全銘曰此通上方峯指石鑄爲西玄門唐金仙公主修
真於此駕鶴飛去白雲宮細辛坪在焉懸鐵鎖而上不似
三峯時通人跡北望山頭有石如柱爲繫馬峯西望西山
桃花盛開不知絕壁何緣着種或云風吹花片粘之輒生
花雅淡不似人間穠豔花間似有物去來云山羊善走險
樓嶽寄中南有回峯青柯所從之路也四山高起奇秀滿
前應接不暇聞寥中泉聲更自清迥每望前峯已如路絕
旣又踰馬至十八盤山最陡者十有八折乃得上故名盤

蓋峯回忽見垣屋鱗鱗綴前巘則青柯坪至矣地勢愈高
天然之景爭獻秀爽視杪羅又過之遙見泉掛山腰如練
此水簾洞也直下三千尺自蓮花峯來度石橋從左徑上
可里許有回心石從此上千尺撞遊人見險心悸率退轉
是名回心至千尺撞下蓋絕壁壁裂裂之兩旁稍施斧鑿
斷樹枝橫之以承足枝相離尺許凡千尺云西折上百尺
峽峽似撞而裂在峽之內出峽登望仙臺方丈平石可佇
立遠眺度二仙橋石梁跨壑草樹清幽過車箱崖崖如車
箱人緣輪以行乃至老君離垢絕壁有坎如西玄余上之

如撞如峽而險更甚謂老君登華從此離却氣垢云過擦
耳崖崖峭立躡處僅容足又下臨深壑復至一崖奇峭甚
仰攀折全出石穴以上有鐵猿顰踞崖畔曰猢猻愁過此
忽瀾瀾則白雲峯也送至險際曰此閔王邊謂隣於鬼矣
余攝衣以登了無所怖乃至日月崖謂兩崖高起日月出
沒從山隙射之當是奇觀歷金天洞洞最宏敞又經三元
洞洞似金天蒼龍嶺在其前嶺中起旁殺蛇蜒入雲人從
龍脊行危甚石平處暫得休伏視下方松頂若蓬藿在蒼
烟中濤聲萬壑凝泛巨海剛風時時捲人衣覆回嶺可百

丈真能褫魄兩傍穴石施鐵柱有什有立郭云舊嘗有欄
漢武帝登山御道也度嶺望見雙梅聳出空際曰此將軍
樹美自青柯以上無他樹樹多青松白楊山高風銳振撼
無定枝榦盤曲獨此二松挺然離立有石曰上馬石者從
者曰有風道人不知姓名遊行山頭一日天馬下之風道
人就石跨馬行空而去石旁有老松倒挂若虬龍下雲端
忽昂首攫拏至趨雲山崖崖有宗土地祠謂華爲群山之
宗也已頽圯有四仙菴爲譚紫霄馬丹陽劉海蟾丘長春
修煉之所凡歷數險則玉女峯矣大石如龜殿立龜背壁

瓦皆鐵郭云陶瓦則山風能颺去之也前一圓坎水紺碧
爲玉女洗頭盆又其前石裂裂可五尺以石投之食頃猶
有聲或云下通黃河唐玄宗禱雨進簡於此刻龜腹爲石
室舊有楊妓師事韓姑於此韓肉身猶在槁而不腐又南
爲三清洞王道人結菴其右上東峯岡石斜削可數十丈
稍鑿足跡無草樹枝蔓可攀躡從者手接而上之可達於
嶺有三茅洞前爲小殿殿左有巖臨崖遠眺當東峯盡處
東南北三面無他峯碍蔽道人指點中條首陽諸山疑隔
數里黃河如綫則近縈山足矣村落比比云此同州此蒲


州此某某千里之內可俯而視也忽雲生首陽英英欲起
道人因言雲彌布峯巒卽數日下方不雨一流動則下方
雨矣有時晴雲冉冉孤飛入谷忽已失之蓋歸雲也步前
岡老君碁所基石方徑五尺三十二子鐵爲之重不可舉
與道人箕踞而語忽聞霹靂之如雷余訝焉道人曰風
入巖坎耳俄而東壁有隙光啓窓片月方起光上射巖端
白雲纖潔如素錦臨崖端下望雲如飄棉飛絮平鋪萬里
僅山尖上出循岡北行觀山巖巖壁黑色石膏自壘中
流出隨膏凝結黃白相間遠望之見其大者五岐如指後

人好奇遂謂巨靈擘山掌跡猶存右折觀新洞洞頗高廣猶未訖工同州馬君怡頌之曰迎陽蓋華當少陰迎陽以妃合之令有生氣云又上之爲雷神洞復右折爲朝元洞洞之下有賀老避靜處穴石垂雙鎖而下之鎖盡乃板道以銅杖插之峻壁而板載之銅杖之上復綴壁以鎖攀之而行板道下背絕壁松林隨山麓起伏翠濤彌望賀所棲室馮于突崖煬竈猶在室傍有巖高十餘丈遙覆其室朱書全真巖三大字蓋還出石穴復經閻王邊西折以上爲避詔巖希夷表九重仙詔休教丹鳳銜來蓋此巖上覆如

屋恠狀與分寧之清水巖畧等西上爲嶽殿下有希夷睡經旬鍾離雲房過焉候其息以紙墨作黑白圈圖之授純陽子曰先天混沌譜也又下爲老君煉丹之所石爐徑丈餘高可六尺北行爲西峯石罅二尺直下相傳陳香子斧劈之畱有足跡或曰巨靈足也又北上爲西嶽大殿殿之北爲舍身崖之東稍折而下爲鎮嶽宮玉井在焉深可十丈圓徑半之記云池生千葉白蓮服之羽化又北上爲蓮花峯視諸峯不知更高幾許覺得身在太清中峯之下有石窪如臼凡二十有八上應列宿自南而北如貫珠水經

其中曰崖端挂下山腹水簾洞洩之道人爲余指點雲臺
白雲白羊松檜朝來玉掛玉秀毛女諸峯張超石羊黃神
藏馬諸谷歷歷詳說山骨立五千仞洞背琢成山坳山罅
有土乃有樹樹底多墮葉摧枝歲月朽腐無寸草石上生
萬年松草類亦蘚類皆枯筮一雨還青記稱華山神林斧
犯之輒逢虎狼豈然哉山自青柯以上樵者所不能到故
棟梁之材于霄合抱皆得自全不獨樗櫟臃腫匠所棄也

礪溪圖




碯溪在鳳翔寶雞縣東南八十里卽周太公釣處石上有
兩藤所著之跡其谷中石壁深邃林木修阻東南隅有石
室蓋太公所居其水清冷神異北流注渭蘓軾有味碯溪
詩夜入碯溪如入峽照人炬火落驚猿山頭孤月耿猶在
石上寒波曉更喧又有咏石詩聞道碯溪石猶存渭水頭
蒼崖如有跡大釣本無鈎

碯峒山圖



崆峒山在平涼府西四十里上有問道宮黃帝問道于廣
 成子蓋在此山又山有玄鶴洞廣成洞香爐峯香爐峯
 名香爐臺自香爐臺望倒插石上巨下銳尤為奇恠

仇池山圖



梅之

仇池山在鞏昌府成縣西一百里寰宇記在成州上祿縣
 其山高峯萬仞自利州來其東西二門盤道可七里元和
 志載宋書氏胡傳云仇池方百頃四面斗絕高平地方二
 十餘里羊腸盤道三十六回山上有豐水泉煮土成鹽范
 曄後漢書河池方百里左右皆曰白馬氏

崑崙山圖



崑崙山在陝西肅州衛西南二百五十里南與甘州山連
其巔峻極經夏積雪不消世呼雪山

金牛峽圖



金牛峽在漢中府寧羗州北五十里一名五丁峽秦惠王
 謀伐蜀患山隘險乃作五石牛每日置金于牛尾下詭言
 能糞金欲以道蜀王王負力而貪乃令五丁力士開道引
 之秦因使張儀司馬錯引兵滅蜀宋胡曾詩山嶺千重擁
 蜀門成都別是一乾坤五丁不鑿金牛路秦惠何由得并
 吞



軒轅臺在今延慶州境內相傳黃帝擒蚩尤之處遺跡尚
存邊人云胡騎過之皆遠引不敢近帝之威德真萬世而
不磨者乎李白詩云燕山雪花大如席片片吹落軒轅臺
卽此

才圖會地理八卷終

